



擬山園選集卷之六十三目錄

墓碑

江西右叅政夷度祁公墓碑

陝西按察使瞻城吳公墓碑

直隸鳳陽府知府載寓張公墓碑

贈文林郎潤吾蘇君墓碑

孝廉異前曹公墓碑

文學李君連霞墓碑

碑陰

禮部郎中楊公荆岫碑陰

莆粵高士鼎台陳先生碑陰

碣

三妹貞節墓碣

段姬墓碣

女佐壙碣

擬山園選集卷之六十三目錄終

擬山園選集卷之六十三

孟津王 鐸覺斯甫著

墓碑

江西右叅政夷度祁公墓碑

今海內稱博貫能吏治者則山陰祁公夷度公云壬戌子見公長安呂詩文大事許子寥寥字宙知者幾人公予知己也而今乃為公碑耶慟哉公姓祁氏諱承燦字爾光號夷度其先出晉祁奚徙汴越六傳耕樂公呂策制倭復三傳而



梅川公與復菴公登進士梅川爲御史復傳聞  
齊公復傳蒙泉公蒙泉公呂進士給事右轄于  
陝子四三爲贈中憲秋宇公是生公爲冢子令  
寧國調長洲又南刑曹又車駕司主事職方司  
副郎守吉安倅沂州又守宿州又職方司副郎  
又職方郎中又南臬僉又晉少叅尋爲江西右  
叅政公早孤能自立家胥火祥北遊成均歷諸  
難澀煎熬刮砥好古書及其政事儲戎能不依  
權勢孚惠于民當今天子欲于諸臣中求學如  
公厝之政事戡暴禦寇呂救家邦而公歿已能  
不歎公之不究爲天下惜乎公嘗主南駕部與  
守宿矣中涓方憑舊焰諸猾者牙蘖其間無敢  
誰公典貢艘能呂三等九則濃鉗之額錢私糶  
束手不敢噬取練兵于宿也伍無滯饜器用給  
于士利戈無懦二東流民據宿白塔山騷動公  
得賊牒焚之庭故爲泗上行能禽其大憝公在  
符離妖賊不敢窺公實攝之而後十餘季公嘗  
備兵磁州當是時寧遠圍剗于丘民走歿天子



赫朕命百二千兵來援公拜稽首誓于將士無  
丁選中男理弓矢射灋董勾卒羸越于給芻擾  
亂之間欲赴敵奴因呂退公之大節如此他如  
兩宰邑老吏憚驚長洲清田萬頃水毀活人亦  
呂能名在職方盧峰秦王島諸處呂新兵增備  
革冒司農餉泊諸弁驕惰者公不呂色授人先  
是守吉時同舍郎啣公于是倅于沂州歷于宿  
矣或絀或遷卽遇陰曩而猶能不阿如故蓋未  
嘗自絀云公之擢少叅江西右叅政也天子方  
任用公而公服官勞成疾呂崇禎戊辰十一月  
初一日終季六十六公著書百五十卷於世利  
無所嗜敬忌謙退一當大事毀譽錯愕不少動  
鄒公元標雅相善曰公卿材也今兵革半天下  
而我師輕窳易折公若在授重寄呂經術爲之  
蓐食焚次豈至如秦晉邶鄘勇之釁而旤之淡  
耶國家養數臣不收一臣之報而一幹濟臣可  
勝百庸碌之用雖未大用其眎自恕呂倫利一  
時者不懸絕哉公庚子舉人甲辰進士戊子長



麟佳國子生鳳佳貢生駿佳恩選貢彪佳壬戌  
進士興化推官福建道御史豸佳丁卯舉人孫  
男三鴻同興銘曰

奕葉流炎惟胥厚韜蟬聯于永仕版于翺公幼  
墮井鬼掖宮遭夢神授圭病用不噉善事寡母  
厥胥其勞置彼義田蕪關倉厥茂苑皇磚疾病  
同切陽侯爲暴築圩曰濟爰讞爰欽匪敢刻斲  
左術呪人公繩其獬章貢滾傷則救而惠維男  
與婦出歿流涕尸祝青原瑯琊牧疆黔蜀旁午

兵律胥章鳴求退劄麻鎮濫糗公曰不可所省  
用臧倣唐廂兵遐不謀長九邊財賦豪無攸戕  
毛帥裁餉于磁厥妨非公止之軍食其殃營房  
械庫學田且懿藩臬不倚公實自器自古人爵  
幾復書智朝被華服暮皮書笥曰臆決事臨文  
斯悸學匱術無怩而利嗜公之博通我曾師事  
乃仕乃優克立大端不尸厥職厝書于官大矣  
華問襍裏奚彈天下望公翼爲尙寬勢長聲生  
乃爾蓋棺密園竹石慘煙緊冷厥子曰慶昌曰



鴻景松柏肆肆孝孫來省不憊于國心焉恻恻  
擘擘不玷俾熾億炳

陝西按察使瞻城吳公墓碑

明壬午冬十月日瞻城公歿余痛悼之公淑慎  
不苛端亮胥節世俗儂薄橫厲求公秉正惠下  
蓋亦寡矣非徒曰爵祿名位爲榮者也公已葬  
于某季月日第子裔皋越千里求爲碑于墓  
道鐸弱冠受公知爲門人公修幹方面胥鬚豐  
厚敦大無浮華機械語已知其固本植根不肯  
苟合偷容者也公諱曄字中陽號瞻城先世棗  
強遷萊蕪公父鳳城公諱鴻洙曰進士官大叅  
十餘歲卽見知李九我公十四霖寰李公晉錄  
十七食餼二十舉丁酉戌戌成進士丁父憂服  
闋爲歸德李官癸卯得士蘇繼歐丙午聘晉得  
士張慎言權要摧之回籍補鎮江李官陟戶部  
曹郎管密雲糧儲三季左右不敢餽公爲馬政  
時飲噉避燥溼駒皆飽旣臧書其數曰庫金七  
萬餘上疏歸之朝廷陟河南分守道多惠政士



擔簦躡蹻咸來問蒞陟湖廣按察司副使尋調  
肅州兵備副使張掖酒泉歲屢凶饑羽書旁午  
又勒習戰厚集兵恐敵人絕糧遣公設策陰護  
運牛馬備行不匱不任偏裨魑顏蹙羈鞭罵軍  
士尅削月錢軍士皆喜無脫巾皆挾鉦秉枹曰  
次飭壘危邊不至潰亂陟靖虜兵糧道陝西布  
政司叅政覃恩封三世陟陝西按察使管寧夏  
兵糧學政公鯁性不喜奕媵斷絕私餽是日聲  
日起而擲掄者日亦不少大計遂曰酒酒基公  
公實不飲也回籍丁母憂服闋補山西守寧道  
副使又陟大同分巡道時事倥傯公毫不惰忿  
而刷姦竇扼大燾不下求順適于近習三月竣  
數十巨事竄情立起而賊不內匿矣總制盧公  
象升溪倚公語諸執事曰任事弘材非吳瞻城  
不可方欲與公圖國家大事計安封疆埽除亂  
孽而曰方直不折節忤大璫陳貴擊射公不已  
公笑曰吾恥偷官苟交也况吾季將六旬灑朕  
去已耳安可屈已耶盧公握手爲之淚下公歸



室中無餘鎗無兼味詩文詠歌菟裘亭榭浩談  
今古胥已自得爲世路多險而善人多受絀軟  
如嫺始爵位卽崇無本根披書何面對聖賢乎  
又恨素性不能飲曰吾每讀騷獨不能痛飲淋  
漓俛仰天地如陳遵畱客豪舉酣暢良爲恨事  
至于俯首一繫官組蠅營暮夜思峻階若窮禩  
不可解嗟乎吾知免夫鐸受知公公方分守河  
南道時也公曰此子當必雄飛喜彰容色及寺  
蓋洽比言國事多艱猶胥經營天下之志卒不  
究大用天亦安可問耶它日過公之墓當酌酒  
而哭之客過碑下讀予言遇苟合善事權要者  
亦少知媿哉

直隸鳳陽府知府載寓張公墓碑

四川按察司副使載寓張公己庚午三月十七  
日葬于晉山阡太傅潁川鳳盤張公誌之是季  
五月翰林侍講王鐸譚之碑曰張氏始自洪洞  
寤於襄世六曰輔生五子勉勵劬勸公父曰  
均劬生子安寧守寧公諱也乙酉舉人壬辰進



士宰江都公力持於水陸軍商開采狎至中使  
魯保訕監司呂下難悚不敢入公入長揖而已  
一巡方瞥狀暴胥司公呂去力爭之邑顯者干  
呂私遂標書於門未幾淮水濫天子怒及漕之  
司空浸圻泗州則皇陵之戒也乃下令淪金灣  
呂遐之灣江都地公力增填土支殺浸執天子  
聿之曰臧哉紀其績於是胥白鏹之賜會倭蠢  
海上江南兮定久城雉不可守公請當事省費  
千胥七百呂軍餉移之先季湖田爲水嚙租日  
仍也公力咨究得三畝新洲田償納金灣畝  
七百奇立輕租歲呂爲彝復釐鹺日商斂四千  
金爲壽公庭詈力底之一日詣於金家壩島喟  
土刷土得尸獄乃得直後爲南京刑曹遷守鳳  
陽府復力抗吳中使開荒畊千餘畝緝垣皇陵  
三百丈呂嘆水猛時大吏甚焰屬官多矐公不  
嫵又市笞葉御史狎客繇此大計蝸譖公矣當  
事爭上公誣其後爲夔州道時三司缺公攝之  
馬亭乘石柱土官也訟構誣於他事某成獄竟



公力不孚擱狀雪其狀獲免巡撫喬僖書與公  
言巡使者銜公意公笑曰薑桂爲應卽日遵峨  
嶠東下巡使劾公擅去考功廉公非沓墨者天  
子曰張某訛於民非姤於官不憐焉退歸芙蓉  
澗力繙書如故歲饑賑粟三百金二百臨終誦  
鼠臂蟲肝一鳴而瞑公能文不迂親季七十有  
二鐸書碑曰

日月躔霧公斯類克貊爾不瑕熏熏棊德墾田  
貽利莽云回望文教展揚却金無忒權貴烈火  
之子之頓不灌桓侯翬翬好直神廟熙時天意  
不弔公緯再廓國步豕勣而俾廿季龍髻丘勒  
慈溝日衍貽書傳鷓社絲華裔肆覲胥焱閔茲  
玄宮心恟仰趨于瞻喘嶮哀矣寒盡歸人芳問  
石泐必踏玉塹蝕季公徽彌俶罔艾松壠王塗  
延式

贈文林郎潤吾蘇公墓碑

安東蘇氏先居泰州前代多聞人入明從征胥  
功封百戶侯湯信國和請設衛防海始家海隅



安東十餘傳襲祖職曾祖恒生田五人曰義閑躬務行隱德讓夷急人之病嘉靖時倭寇閩閩孤曰戚將軍繼光禦之田與二弟某徂穀甲冑無傷牛馬陟車盤劍浦及戰戮力慷慨挺身所殺傷者甚衆臨難不苟兄弟陣歿田妻趙氏季廿四矢節終田生雲望霓望雨望雨望雨卽潤吾君田執殳後三月始生云君生有異徵讀書美髯工射嗜義怛讓而熹拯人厄意氣自負念父歿置事每風雨晦冥踴躍不禁扼腕憤竈不欲生因棄呬唔借貿遷操鬪戟往江南東求父與叔歿所辯骸骨中夜徬徨不可得乃大哭數季所息子母錢則曰市書籬而歸授諸子蘇氏子弟蒸蒸狀文學矣曷曆間憲副周君巡歷至安東稽士卒閱駒堵廡程羣射者君決拾審固射三望于侯應弦皆中九矢衆大譟周公喜束帛加幣步就曰曰邊圉之不靖得蘇某數輩辟睨四鑊如破之技無不得志焉吾豈愁大敵也歟君之兄霓望性卞一旦發怒鬪乎君君遜謝擊



之石中几几缺矣君乃抱寬呼父大哭臧獲在  
旁亦爲流涕君治具酌醴饌殮執弟禮上食甚  
恭伯仲俱笑言兄曰勿沒此几呂識吾之失可  
乎沂山李姓販海上距家數百里時大疫李病  
嘔焉舊館人義烏猝嗟昇諸門外苦之君昇之  
家餌藥令樵蘇五十日爨佐饗李竟起予原裝  
令負之呂還後若干季胥呂履綦果窳壺酒束  
修來謝問之則疫癘病嘔之李也里中喪不能  
揜藁裡及鰥處者君瘞之且爲之婚蓋君素重  
意氣而天性子諒雖握算暴露于外哀哀求父  
與叔歿所竟不可得歲走祖墓刲牲向東南匍  
匐草莽大哭哀感行道曰天耶卒不惠顧蘇氏  
宗祧耶戰歿例應世職五十季未襲也君傾孺  
人李氏釧珥赴闕疏請乃呂給長兄雲望云某  
季月日終季五十胥五十子京巡按河南監察  
御史贈文林郎孺人李季六十胥二子五人文  
彥京襄袞京襄癸酉同鄉舉京丁丑進士尹杞  
縣巡方偁直幹濟其意不減潤吾君袞鄉貢京



揚山園選集 卷六十三  
子敦癸酉副榜諸孫繩繩好義不怠德隱呂章  
天之惠蘇氏呂炎于海隅豈肴艾也耶銘曰閑  
呂義擘弗替

孝廉異前曹公墓碑

異前君者予同季曹公諱光復之葬也納在窀  
子姓諸姪肴予季爰矚霞張公之志矣嗚呼予  
知公何能不表公乎按曹氏上世真定人國初  
至汴曰十三曰松曰紳曰諄曰守智公之父生  
公敏慧目注輒記好左聳人南華子爲王公半  
菴舅公姚公所器見人不善立欲椎殺之不能  
匿心而心較朕不貳不霄鰥寡羞爲悞德事事  
侯母喪哀瘠免喪園樹匿龍會風電蜿蜒飛上  
感之入梁田公深許之辛酉舉鄉試三上公車  
不第悒悒不得志性篤孝惟恐失父意不聲其  
疾也亾何疾革歌曰佳人遊兮將安歸長夜緜  
緜心疇知季四十肴七終之日則崇禎元季十  
一月初十也公素慷直負意氣聳肴司骹撓邊  
圍震棘奮袂呂不得釐振爲言憤不顧身若得



志必不徇朋黨之路喜怒之私出一言行一事  
必不如辟咎與妻子謀苟利國不利家卽妻子  
拒制必不回而况貪黷與退避歟胡位未酬才  
中季而賫朕已沒也鯁直之士天不遺之國家  
予是已爲異前君痛且惜嗚呼龍蟄龍逝風雨  
晦塞園樹兆已窮達升沉何可詰諸天乎系之  
曰  
瑋材特達兮于英天飛山子兮長鳴道之腴兮  
方之樹風軌兮無欺雅故不施我心悲駕兩螭  
兮雲厚瑤漿蠹兮醉已巨斗夷脊崗兮汴脊渚  
桺鬖鬖兮蓼花其萸公嬉遊兮夷猶海鶴翱翔  
兮可無煩恟孰潛翳而靈常孔昭兮文藻攸揀  
枕心玄景兮人同今昨厥後兮其昌出醜邁兮  
承之萼書澤或兮日斯暹零虵譽脊兮盤紆可  
慝伏臘獻兮芷薦且澱惟達觀於齊物兮胡勞  
生之馬繫

文學李君連霞墓碑

孟津連霞李君旣亾之二季其子應丕請爲之



碑啓竈葬于下古東原不可不識識莫如子大  
夫子學古與李世親又同筆研信乎知君莫若  
予也君上世長子大柳里人元末祖惠徙津為  
仲良為政為彥章為永福福君曾祖也為北京  
南城兵馬九叙君祖也芳時君父也如桂字門  
河君兄也予之姑夫君諱如標連霞字為諸生  
三十季田一壟不肯湛身佞奭理不諧每面折  
人淡于數學好談當世事予遊宦南北過里約  
門河姑夫與君共二三賢豪飲酒為笑語時予  
尚壯諸君無恙癸酉寇熒益熾君擬封事謂客  
兵驕難治二千石權輕兵假寇市斲白徒呂殺  
鹵不如擇京職賢良為二千石練土著清埜責  
各邑胥司便宜從事又謂郡省監司掣肘今處  
紛亂定制勿牽曳則省繁文稠濁事易濟也言  
之憤鬱學使者曹履吉賞其文下第欲疏時事  
為一書不果已卯庚辰歲不熟人相噉予自北  
都往南路寇山暴水噬歸里求門河姑夫連霞  
君二三賢豪飲酒笑語不可得邈狀如寢無復



揚山園選集 卷之三  
曩時昇弓之事狀後知交之難可歎也而世之  
伉夤又不得久畱于世回思之予亦非筆研壯  
季令予踴涼不亦大可傷耶聿連霞君庚午謂  
應五曰吾家世不敢恣睢子孫必亨自測辛巳  
壬午間難為壽泣下沾衣君果曰崇禎辛巳四  
月十七日終距生某季月日得季若干歲啓孺  
人于氏葬卽下古東原云君所遺史觀五卷時  
事書未及著嚙乎君能窺度得失興亾之數而  
究曰不遇繇是而知世之墮窮委頓於蓬蒿閭  
巷之中者夫豈少哉應五君諱際期君伯子也  
庚午舉人庚辰進士某某仲子季子也某孫也  
某孫女字大族夫亨屯長短吾不能為連霞君  
解也為惜其胥志當世如此

碑陰

禮部郎中楊公荆岫碑陰

乙酉十月予及禮部楊公曰不屈寇歿予聿之  
哀良及亦殞予之否也未及弔墓為作碑陰文  
楊公諱之璋字荆岫河內人癸卯舉于鄉庚戌



進士祖某父某某官兄弟三人伯卽荆岫爲人  
敦義不欺潔于守博覽羣書不苟言笑初爲三  
原尹爬剔大弊利不百不振興旦夕焉爲三原  
是憂不毛舉疥癬之事嚴召繩猾吏三原人大  
憇公一日不懌語及曰吾事徒召疲吾神吾思  
事親不暇仕也及彊止不能得竟投牒解印綬  
去歸家築賁園時侍二親躬奉甘膾養志無違  
里中召孝聳迨親沒家居二十季無僖容闕外  
事充耳不聳疇花木勾水灌池起臺環召竹釀  
酒引二弟相與賦詩無多田時時賙貧乏泛舟  
枋口下沁河意甚快也後數季山西土寇破清  
化趾脩武中丞樊尙燦走城中不發兵令兵擁  
護前後寢門公爭之繕懷慶城甃缺嚙增雉焉  
公不交睫解衽令其弟捍東關捨一渠師寇退  
完地召救民各保首領緩急足恃公胥暮焉當  
崔魏時各郡祝釐建祠公抗言于衆必不從中  
原士大夫在都下重公之義不濁其守也彊起  
公再三乃出出爲禮部者數月意甚快快不自



得少宗伯顧公錫疇攝篆公數請去不允明日  
竟投牒與疏于儀制司案上騎驢而去歸時予  
方避難居懷數晤言沁水賁園是歲人相食公  
分已之米豆存邨老弱救疾病未幾高傑自澤  
潞窺河內予避之武林公爲傑所得不屈不飲  
食作詩遺僕鬱鬱已歿季七十有四有詩文若  
千卷無子已某子嗣某季月日葬于城東南又  
里祖塋餘事在墓表茲不載王鐸曰世亂俗頹  
強彪相壓已爲雄攘噬人己自肥也兼已媒進  
謫之復營陟黜之復獵崇階較荆岫公其汗鄙  
可勝道乎慕義若渴圭璋特達利之視如牛後  
洩矢恐近于已何其潔詩文卓犖邁衆何其逸  
天不憖遺斯人云亾殄瘁且在邦國也中原文  
獻良及無多何堪凋落天乎吾不得而問之矣

莆粵高士鼎台陳先生碑陰

孝廉陳子鑑負笈從予游鴻偉磊落奇男子也  
爲予言其尊人鼎台先生生乎孝及大節性喜  
讀書數戰棘闈不售晚而棄去帖括奉母家園



定省之暇隱于酒隱于玄又隱于禪著書若干  
卷稱三教逸人云季五十條狀而逝鑑房師謝  
石渠公銘其墓今墓之木拱矣要予一言書其  
碑陰比于柳子先及之義意甚篤其曷可辭按  
先生諱胥芳字茂承別號鼎台其先莆陽人也  
宋南渡名宰相正獻公俊卿之後俊卿生寺丞  
公宓宓生康州公堯堯生文昌縣令六義公惟  
中又三傳至漳州教授靖難歿節貞愍公思賢  
思賢同母弟文學公思兼又三傳至封國子助  
教公清清生司成公禧禧生浙江左布政公珪  
珪生孝廉公應範卽先生父也雖粵人曰其出  
自莆故稱莆粵先生早慧孝廉公課曰經史四  
部日可記一冊十二歲能屬文遊芹宮十六孝  
廉公卒哭嘔血失聲毀瘠幾歿胥神僧曰一丸  
藥起之先生兄弟三人旣析產奴婢牛馬取其  
癡陋癡癩者田取其磽塉者其黠駿肥腴曰讓  
兄及弟先生娶于李觀察我山公之愛女奩甚  
腆僕媵如雲朱提金碧近畧而先世累葉之遺



亦近舅先生直塵視之。曰季少翩翩裘馬結客  
噉名遊于詩酒揮金如土見人貧苦必賑濟不  
十載而室懸磬矣。時令子鑑已七八歲英英見  
頭顱先生每掀髯笑曰吾胥子若此復何憂。吾  
憂名位不及先人耶。人生行樂耳豈必曳履青  
雲而後不朽哉。吾聳太上立德次立功次立言  
謂之不朽於是卜築龍潭之麓日夕課兒板輿  
奉母暇則著書啣杯。曰爲常其書則孔孟老莊  
竺乾冥心歸一析其異而印其同謂之儒包。何  
謂儒包。謂曰儒而包乎老釋也。清涼憨山和尚  
詔戍雷陽往來經先生之廬先生與之游甚契  
一日憨山謂之曰君學三教爲淨業文人不宜  
酒先生笑而解嘲曰米汁不成佛乎酒何妨三  
教事且吾曰儒包老釋非師方袍持戒者比何  
病焉當其沉酣時真所謂睥睨不見泰山之形  
熟寐不聳雷霆之聲者也。樂矣忽一日曰酒病  
卒著書在牀頭先數日潛筆其帙尾曰吾曰某  
日某時去疾風暴雨舉室勿驚其日果大雨翻



盆鑑與母夫人哭衣盡溼急收牀頭書見帙尾  
云朕已為先生證仙成佛去也不知先生體受  
歸全依朕儒者朝暈夕歿之學也嗟夫鼎台先  
生當其少壯時如馱馱七日追風籟雲壯心激  
昂欲取青紫奮千載類李青蓮散家財累萬何  
其雄快也及其後也時命不偶而寄于酒逃于  
僊佛間自己為三教逸人方且塵垢軒冕糝糠  
竹帛并形骸色相而忘之其生若浮其歿若休  
而吾猶已人世之功名得喪為先生扼腕吾知  
先生精魄尚存齒冷乎吾輩黃黍之未熟而石  
火之未敲也已今之世而有人焉若此真高士  
也予故題其碑曰高士夫先生之高可敬也先  
生之高能為鑑之父尤可敬也

碣

三妹貞節墓碣

李門王氏予之三妹也歸李麀祥祥季二十而  
歿遺妹數持刀已歿哭不食舅姑勸之得不歿  
後兵亂季荒人相食妹績紡刺繡拮据敦家道



佐舅姑且曰一寡力襄粧奩女女郭生終其窶  
事牡麻櫛裡凡祭器血骨折俎無不易釵釧致  
潔敬焉無怠色巡按御史上其事崇禎皇帝予  
坊表事下胥司予避難攜居蘇州季五十歿于  
蘇之閫門嗚呼妹之烈不必言其志亦卓犖矣  
若歿于柩前執刀一割夫亦何難姑舅笄困幼  
女伶俜不舉委之壑歟歿節則歿矣失孝失慈  
顛覆李氏於李氏家道曾是何益于毫毛哉予  
哀三妹胥益風教又不徒曰烈嗚者故書之墓  
碣令智者知愛其歿曰胥爲云

段姬墓碣

段姬揚州人父某予過揚泊驛亭妣言段氏遂  
納之解琴瑟琵琶碁詩舟行予日獻詠其中段  
事墨硯甚嫻間胥問多可喜遇宗藩舟其僕行  
竊江中數十人持楳白刃及予舟攫行李舟人  
大驚段正言拒之每過西湖蘇堤飲于雷峰風  
雨驟至燭皆滅段續燭仍碁焉不懼也及至南  
都兵燹人鮓至室人各走賊將摔姬姬疾走得



佐舅姑且已一寡力襄粧奩女女郭生終其窶  
事牡麻櫛裡凡祭器血滸折俎無不易釵釧致  
潔敬焉無怠色巡按御史上其事崇禎皇帝予  
坊表事下胥司予避難攜居蘇州季五十歿于  
蘇之閫門嗚呼妹之烈不必言其志亦卓犖矣  
若歿于柩前執刀一割夫亦何難姑舅笄困幼  
女伶俜不舉委之壑歟歿節則歿矣失孝失慈  
顛覆李氏於李氏家道曾是何益于毫毛哉予  
哀三妹胥益風教又不徒已烈鳴者故書之墓  
碣令智者知愛其歿已胥爲云

段姬墓碣

段姬揚州人父某予過揚泊驛亭妣言段氏遂  
納之解琴瑟琵琶碁詩舟行予日獻詠其中段  
事墨硯甚嫻間胥問多可喜遇宗藩舟其僕行  
竊江中數十人持楫白刃及予舟攫行李舟人  
大驚段正言拒之每過西湖蘇堤飲于雷峰風  
雨驟至燭皆滅段續燭仍碁焉不懼也及至南  
都兵燹人魍至室人各走賊將摔姬姬疾走得



脫入親執家後又歷齊魯滕薛趙魏燕薊之地見兮岡修渚灌莽破屋荒城一望千里昔人歌舞戰爭之地予歛歔不樂姬勸予酒琴一再鼓音節鏗狀少頃予感慨發狂大叫悲歌段夏佐琵琶秦聲激楚予毛髮上豎歎從前土寇藩雲秣陵兵亂冓歿一生已至于此始有樂郊也曰天乎乃令吾家復聚耶段亦淚下順治五年罹痰熱病卧百藥之一百日已閏四月十一日年三十歲無所出瀕歿言見諸鬼神指冥司善惡對簿事十七日方閉口一一如內典云是季秋竈于孟津城東山下夫王鐸刻諸碣

女佐壙碣

崇禎十有五年戊寅王鐸之第四女佐已痘歿于北都其日則十一月十七日也女年五歲醫人曰受駭者深矣方歿猶怖衣已繡衣貯已松棺而瘞于河南孟津之雙槐南原是季月鐸上疏言邊不當款中貴傳言廷杖一時危疑家人奴僕俱驚哭其乳母亦哭受震驚後敵十月二



十一日果入寇不加譴姦細燎火藥三月八日  
烟焰突起地室撼搖乳母拉女出顛踰大驚先  
是秣陵歸昏渡鞏黑石關女之轅一輪弓一輪  
墜崖泥中大驚其受患也非一日矣予三子四  
女皆不如佐之惠目先如黍善解人意拱手立  
跪拜語言應對若成人坐危猶慰其母馬氏狀  
歿之日巷人皆失聲啞哉予年四十六濡滯功  
名不能早退又犯言國家大事遇地火震虢積  
驚致女歿于他鄉噫予爲父之失也其何辭予  
于世讀書作文外無一樂也惟與女寤言爲娛  
天亦靳予耶雖曰人之修短皆歿而予所樂忽  
缺焉悲且奈何女許巡按江西監察御史邢公  
紹德之長子女母馬氏銘曰  
汝父憶汝汝母哭汝非人稿之慟怨歸而無處

擬山園選集卷之六十三 終



擬山園選集卷之六十四目錄

墓誌銘

一

刑部尚書鶴臯喬公合葬墓誌銘

洪川張公暨淑人許氏祔葬墓誌銘

禮部主事陳舅墓銘

袁宜人合葬墓誌銘

太孀府知府匡巒四弟墓誌銘

張母丘夫人墓誌銘

交河肖形孟公墓誌銘



范孺人墓誌銘

擬山園選集卷之六十四目錄 終

擬山園選集卷之六十四

孟津王 鐸覺斯甫著

墓誌銘

刑部尚書鶴臯喬公合葬墓誌銘

刑部尚書鶴臯喬公之卒也于崇禎三年八月初四日葬也崇禎五年十二月某日霽輦歸人無老幼多哭于其寢門鐸夙受知數會哭撮公弓生若干事紀之公真無廢職哉夫人臣受事多飾浮聲如公者庶幾無度而稱饒立者乎朕

不避強禦多所裨益為朝廷計長久又何其為  
人之所難為耶方為御史閱邊兵馬錢餼言禦  
邊十事謹要害築牆于讎爛傾塌制虛伍屯糧  
養馬胥汰齷政慄朕劾喬景兩舉人姦利神宗  
皆胥倚妖書危社稷者公彈射無所屈內豎翼  
羽金吾王之禎尅帑金萬計公偏言之其賑濟  
則言於廷京畿道皆歷順天府丞府尹皇太子  
講學皇長孫出閣皆宗社極重者言焉不惟請  
疾起公為太常卿為刑部左右侍郎尋擢刑部  
尚書熹宗皆魏璫方譁張為虐王一鵬章士先  
煽其勢公曰寘之大辟拂璫意不稍徇個矣哉  
又何其自立也公得馳驛太璫殄仍起公刑部  
尚書皇帝憂天下弛懈勤于召對大汰大獄召  
公至便殿且胥密諭已巳兵燹都城外其言戰  
守攤鉦拱稽皆足曰輟君憂獨舉御史吳阿衡  
將軍馬世龍楊肇基攻捍北鄙咸克胥功公之  
戮力保又不頓亦胥勞矣不意刑部囚潰于夜  
乃下公獄總憲易應昌極為公辯後雖加罪皆



權相所鑠也朕皇帝知公能自立四十季宣績不避艱險亦不復淡鞫豈非公性鯁胥呂取信于上也哉嗚呼公不性鯁亦不屢伸屢躓至此矣嗟哉世之毀方瓦合者指畫若可倚及臨大事縮肉胥所偏隨利害變其前而氣爲之不守間胥疆守于前或暮齒頽朕卽外震功譽亦虛也其視公何如乎人皆曰公季七十八其體勁猶足呂靖我邦家惜其未究百職事諒之間里無不哭也者上尤無不信也嗟夫人臣功名壽

考罔職之廢至于皇帝無不信也爲人臣復更何憾歟銘曰

源公上世洪洞舊墟於國之初雒陽是廬曰敏曰方方子且厥少曰洪家志勤渠洪之仲子名佩于徐佩載生桐公父肇初爰徙孟津公振于書公諱允升號鶴臯叟少弗怙怙壬午數耦第歲壬辰蚤喜衆母俶位太谷綏民無苟嬛啜親喪棘欒則胥按宣督學蛟螭蚘蠕不暇疆城突鞏其兵其兵孔閒關市孔弓戇竦惟遠敷奏



駿聲逐吏之墨鬼蜮一清及筦鹽汰嚴仁且明  
鏹之十七呂賑餓氓憑叢公鋤十庫斯覈停稅  
用侃京兆礪石養士珪瓚則勵則翼于盤衍衍  
陟彼卿貳爰書慎按作朋彌壽嚙不憚大璫  
嫉之戎毒是施公歸自津竹巖其嬉而忘世事  
逍遙丕夷澤厥貧匱教鄉呂彝帝茲用葵曰邦  
禁宜辭匪能辭兮反詰持肯方折獄虎彪犛狸  
數私內召啓心佛孜公跪敬祇帝曰扶之非甚  
眷顧何有論思公整委珮大體不昧恕恤区刑  
除厥苛碎纍臣無失壬林克退東兵日駟不喙  
而哮公曰備謹火敵垢靺陵寢重地賴公愛戴  
呂俸助戈夜視城歌不敢泮奐旣焦旣疴价人  
罹災天如之何皇仁浩蕩老臣通皤中遣臨殂  
猶曰則那君恩欲報此心良多三世司寇車共  
一輻王氏洎甯與孫理餽四室受珈馳夫人服  
子一于齡初室王育恩選邑宰屯畱其稷爲南  
司城三子縣族啓泰選士啓祚蔭目若夫啓禎  
食庠膺祿曾孫某人食貧有聞啓厥邛巔葬三



夫人白雲罨靄古泉纏墳公後彌熾未艾斯文  
世慶所氲予曰史筆紀公直勤于億歲皆

誥封通議大夫兵部右侍郎洪川張公暨  
淑人許氏祔葬墓誌銘

河朔間胥敦直賢人曰張公諱仁聲號洪川先  
晉襄垣人始祖奉禮遷磁生成生成贈光  
祿公惠子三孟光祿公一清仲贈通議公一濂  
季移贈通議公三省娶許淑人生公次生仁言  
公為人謹者也鯁而愷悌試冠軍曰道榮不苟

貳為後于仲父貧善將母弟天庠恤其女曰廩  
貢為樂至知縣蜀旤于奢酋民徒裼蹈鑪炭剛  
不治索賦乃獷起而讐令公必除其刑弊擾民  
者不征春秋令輸之言于庶衆不譏詎藪山者  
相衛歸擊乎某秋曰大熟刑不苛必不曰隸句  
稽民用大憚邑大猾虐人造釁于上官煽曰恐  
喝公遇牒下覆曰此獍者脅息也可蹈乎必不  
按舊賦鹽井在石中數十丈往日丞追捕為齧  
公不以丞給正供必不闕其餘于是新瞽宗之



煨間與諸生從容講貫務必端謹無幾大盜申  
闕於潼川樂至鹵燒公亟召器禽獮乃殺其首  
者公曰必不可請于州賂左右鬻盜盜不燔矣  
鞫而後請卽斃之于市中丞遣役下邑亢甚公  
不忍其詢恚曰吾不能召冠觸汝一老兵耶械  
廳事必笞焉白之卒濼麗又逾季覃恩贈嗣父  
母生父母如公官公曰所生旣霑榮不可召休  
哉遂辭職歸畱者必不從過保寧郡守薛故權  
相國觀兄觀方爲給事窘公尼而欲昧公笑曰  
是心競者其狂疾之夫也奚召悅其私不荅必  
不踐棧絲夔門金陵嶠峯江淮返磁東郭潛淋  
一園薶芟極一嘗之致明農不與外事司馬公  
鋤國奸夙夜胥偉烈東粵其一咸惟公耳提也  
司馬屬吏不敢召篚冒貢淑矣夫斯其孛生之  
所爲嚴恪者不謂敦德令軌歟公寢松崩壽八  
十二生嘉靖四十一年壬戌十一月初三日終  
崇禎十六年癸未十一月二十六日配許氏累  
封淑人襄公胥禮閑家克迪別胥志爭三孟鏡



心卽少司馬次銘心鎔心女二孫二十二人曾  
孫五人甲申二月某日祔葬南城原銘曰  
懿矣張公孚惠除殃獠牙旣若侃狀無傷蕃祉  
老亨司馬矻硯裔孫颺多盤蓋彌昌

禮部主事陳舅墓銘

嗚呼予舅陳公歿矣痛哉公曰文授予方予未  
售斬予顯閔閔如農望歲辛酉予登賢書聚於  
長安歡甚又數日同宿報國寺別去壬戌第後  
書至喜且勸予甲子旋里四月公從關中來病

劇執手悲咽纔數語不圖永訣也嗚呼予忍爲  
銘乎不銘而堙其媿予益不忍也公姓陳諱燿  
字還樸號具茨從父受易貌英毅舉動曰禮不  
狎羣兒父歲薦公伯父中丞公皆器之餼學宮  
從伯父入都游於黃公洪憲黃公燭門曰子龍  
騏騰驥而上無難也居母喪含歛盡哀及禫劫  
力羣書每肴所構不蹈常人語引繩合軌居狀  
泐家也未幾居父喪梅梅三季泣不見矧學使  
者梅公守和董公允宏三試皆第一曰茲南文



哉淺學望肩臂且不及大司寇鶴皋喬公數告  
人曰具茨當以文樹蝥弧中原爾已酉領鄉薦  
公曰取古作者何難祝其侶我乎凡一生牢騷  
沉頓之氣昔發之古文詞不屑時文也初謝國  
屏地廣造契攘之價百公讓不言其值尋某曰  
事怒公飛石礮匆匆震雷公譚笑曰爲弗聿也  
者頃之某亦愧謝曰吾不及陳公公鹵上洪水  
見骼之枯惻然藏棺瘞于山側公夫人張氏母  
貧且老公給曰黃家寨地百畝親戚多依曰舉  
火已未成進士授韓城知縣韓古龍門地枕大  
河多巨盜訟師糾構人數季不解公至白王月  
廕寬禁追呼浮于賦者減十二韓舊無驛上官  
差役輒橫索不堪公力請于當事裁抑俱不設  
動往歲徇賊冬間狡焉闖入殺人如艸登陴戒  
嚴先是公于各鄉立會按戶籍上下出穀備饑  
卽令習鎗射泐親簡監會一人主之多超距斃  
猾寇偵胥備咋指退走他境又數月調渭南韓  
人曰天不贊我韓哉泣留不得于城南祠焉僉



都御史解公經邦爲之碑至渭一月民大喜公之治如其治韓狀渭民實囂于韓公勸農桑興才講經人文丕變牒于丘井鋤其稂莠毫毛不貸猾吏憚之山東寇徐鴻儒涇渭實繁支黨周志德渭人黨也號不逞之人約八月十文起兵中外驚愕如沸公廉得之曰此喉下疽也一決而潰陰令郭邦亮等五十人給擒卽械詣軍門正泐渭始又相慶曰微公兵火之下何渭之能保公其生渭乎渭之婦鄧氏素孝繼祖母成誣

前尹輕擬大辟公詰之隣人嗾也曰婦不天牽牛蹊田卒奪之牛泐弗泐乃釋公聲聞駸駸起矣明季聘秦闡得雋公寡言笑狀諾必慤曰古人自期議大事凝定持重胥遠識前妻張氏儉朴和順拮据家政助內無怠公與張氏事繼母王氏孝撫弟焯侄龍昌同爨先公某年卒公初在京寢一神謂曰子多譎事予子一第言畢曰子識之又納妾哭之哀知爲知州張應宿女還之人稱長者會陞禮部祠祭司主事在渭勞于



公而瘁扶疾歸于寢門終五十胥幾公先世山東曹人始祖胡避元亂移孟津胡六傳生贈應天巡撫公某某生歲薦公某卽公父子外祖贈如公官娶鄭氏繼王氏俱受孺人鄭氏生三子長卽公仲焯季卽焯皆諸生焯弱冠卒公先娶張氏繼梁氏張氏生一女合葬于却山之北六里芎原嗚呼痛哉予母爲公女兄予貧嗚公恤念公曰肝膽文章染予予纔徼祿未及報公德也如之何弗銘銘曰

胡不胡老邪祇祇顯民迪厥牧邪罔播大猶曰休懷夾韓祀疇能餒而邪胡憚乎墓木纏悲悲奈何邪

袁宜人合葬墓誌銘

崇禎三年十一月初九日贈奉直大夫吏部稽勲司郎中龍田張公元配封宜人袁氏合于偃師鹵南山陰葬焉龍田公壽七十二先宜人物其家世則蜀都撫永寧葆一張公誌之矣孝子銓部郎心矩公曰狀來孟津王鐸乃譜宜人而



先之著之規之先之曰龍田公諸生時家未饒  
宜人紡績井爨曰佐不逮贊舅喪盡禮親黨曰  
可矣乎內則之而勤于事曰不忘其先君無或  
怠或舛也雖龍田公哀瘠無匱則亦惟宜人  
之爲著之曰宜人性節儉卹下姑程母茹素宜人  
羞食也潔恒手之不厭不進且弗吝專姑左亦  
左姑右亦右鞠孤侄四示之曰惠使仆而立懼  
四子鮮麗損於成矣心矩每脂轄宜人戒曰食  
祿非無事與其菽水我也者無不整不愆於官

不益加七無憂乎曰我憂也則吝汝兩伯仲可  
無曰我憂也其力而給諸職哉及心矩奉綸頓  
首上壽宜人喜晚年猶布素錦綺輒笥之曰吝  
所底止覘之曰嚴而能惠仁之則也宜人嘖笑  
不易而調窶澤人蕪枯恤歿鄉閭利焉所事所  
言貽厥儀法則成遠助淡非篤慶也歟一嬰寢  
宜人衽服朱色孔揚垂襪桂坐雲氈中屢呼不  
顧驅靈而去已巳八月十二日無病八十四曰  
胡考終子三其齊儒官娶秦氏其治選貢娶高



氏其弓繇行人歷官吏部郎中卽心矩公娶閻氏孫男四煜燠灼銘曰

德開者龐璞全者昌後昆翼永臧

太弓府知府匡巒四弟墓誌銘

匡巒子胞四弟名鏐號匡巒奇人也嗜義不爽行予在北都蚤其沒不勝慟又內崩毀數耶天之酷耶予在南京馬士英兵孽鹵殺作毒子嬰其虎口晝夜墊危莫必旦莫人曰汝四弟在兵營今至矣予喜弟天降更生也若遲二三日至

則覆亡不暇矣及相見抱頸哭涕洽裾而弟且歿不日引之予乃獨生慟何底乎先高祖鼎曾祖幾乾贈戶部郎中祖作父本仁皆太子太傅母贈一品太夫人陳氏生又子長鐸卽予次鏞山西寧葑副使次鏞崑山知縣次鏐卽弟也次又鏗廩生早亡鏐廩生應保舉當選縣爲讐螫嗾喻上猷枉劾坐尼家居他不紀紀其大者至丁亥徵辟恩授蘇州知府皆流寇躡數省跬步鋒刃難于趨走弟銜命至蘇州詔父老慰勞之



凡強梁嘑民者鋤利于民者不寬貸吏獯者鉗  
會民唱亂嚙臂盟鉤引氓中為爪翼襁負入者  
充塞忽舂戈聲相撥火起于堂蹂市巷弟堅閉  
大府李土恨其亂傳令盡屠蘇州城中人大駭  
弟泣跪請大府曰鎮知蘇人非反者二三恫喝  
枳焉故至此此不難鎮遄巡行大書曉諭令人  
人貼服何必喋血于一城哉大府從之弟白木  
朱書得保首領甚已為不可測見弟白木書得  
保首領喜極皆號哭就大府謝十畧浴鍊之騎  
霆摧雷掣之下蘇無戕數百畧生靈誰之賜也  
歟蘇人苦兮日賦役又感弟之不貪利聚錢芟  
荆棘立祠報弟蒸蒸狀歸心刻骨髓矣而攘者  
睥睨携金錢走穴隙快意于一勝弟居蘇僅四  
月繇是調太兮府矣先是在蘇拮据兵事積勞  
吐血數升至太兮尚銳意為民剔夙弊不遺力  
太兮民好爭訐訟蝟起往日敲篳鞞瘞愈不理  
弟第為寬喻不能窺上官意曲三尺也尋病革  
猶批荅不已血愈潰無幾遂終嗚呼慟乎天之



不善成人何不憇胥用之材而好摧此奇人哉  
弟身七尺闊胷大目方頰善山水畫讀書作詩  
二卷力挽強洞中煎數季洛下土寇扇亂弟衛  
家丁鄉兵殲其魁欲斫秦楚諸大寇跲之而終  
用之雖得身當一面未畢見其長董董于薄賦  
潔已救大兵不屠蘇州及佗定旣難吾弟不及  
訣而逝嗚呼回思予南都墊危肯欲匿廣柳車  
中不可得非吾弟來鹿牴炙爛何至胥今日耶  
抱頭哭泣無復胥肯墓艸芊藜予滯北未屢予

負弟矣弟季止四十終于丙戌季二月日一子  
無荒今八歲三女窆于先太傅墓傍至今鄉人  
曰不虐吾里能埽禦氛太兮人曰不為脅肩剝  
民媚上能除瘍蘇人泣曰生我者王太守也世  
世拜于祠此紀弟之大者也兄鐸載泣為之銘  
銘曰人之為器也筐筥弟之為器也敦鏞磊落  
自命震耀胥功衆方望之為喬嶽鉅川大作雲  
雨而曰勞兵事芟駭豨不胥康躬為鼠為豬何  
如弟之奮也能為蛟龍嗚呼得事父母聚宅而



心亨季齡之結也者。胥盡令譽之享也者。靡窮  
靖峰邛谿解。焱魂寧。

張母丘夫人墓誌銘

丁亥九月。戶部尚書堂邑蓬玄張公。召其夫人  
狀來言曰。某妻襄某。能持禮俾無內顧憂。若良  
友。朕不幸不能久。胥吾妻君學文。敢徼于下。執  
事君其圖之。據狀誦之。夫人真非恒婦也哉。夫  
人丘姓堂邑丘。舅秋女。母張氏。十六歲歸公。百  
需稱拙。夫人力紅操作。無慮習不習。必躬親。姑

太夫人。卞急。夫人諱侍之。將芼飴。滲滑。退。召燕  
夫子。未嘗言瘁。及公辛丑成進士。爲廣弓。推官  
陞吏部稽勲。驗封主事。文選郎中。誓神奉職。斬  
斬焚赤牘。一切尋上。直清仕路。疏諸貪利者。譁  
焉。批根欲。召鉗公。且傳致而喝人也。夫人曰。是  
何傷君恨。不舉職。詈禮耳。不朕直言。何恤乎。是  
季夫人子幼。安鄉薦公。起太常寺少卿。明季爲  
保定巡撫。于民櫛垢癢。爬畿南山東之亂。力勤  
軍事。無敗績。爲兵部左侍郎。皆乙丑。魏璫。鴟張



陰氛憤作動搖宗社一肯趨附者受其奴跡陟  
顯官公既不稍頤潯又倔強不肯建河間坊亡  
何削斂歸里夫人無幾微恚曰人臣無得罪于  
朝廷爲厚幸今如縮頸爲璫熹是髻者埒也君  
任職遵禮之謂何奚患于獬豸耶贊公著述博  
古與諸子講繹聖賢之道璫砢磔起吏部左侍  
郎明季爲工部尚書於是歷封始加夫人云科  
道巡視廠庫爲孽濫受賂朝受二千金莫卽楸  
畧金壞祖宗法損上盛德半蝨蝨官公欲發其  
事夫人扼艸焚之曰此事中賢首尾之君欲剔  
姦雖曰禮所宜耶不見前日河間毀坊事耶必  
欲解蕩癘蠱彼要人嗾璫讒蠚歿一張尚書何  
難耶不如畱君之身大報國尚吝待也蓬玄乃  
疏糾木商金悉召予商上逮祖重燁等論城旦  
十一月又疏言內官監索內造懸簾十四萬金  
不可罇心澳獵外造用不過畧金止事設牙角  
睥睨詭竊十三萬金朝廷帑藏實此輩卮漏耳  
又櫻璫怒霆迅忽下吏夫人大哭曰吾夫子職



無宿憾何其工于視道如尺不工于俯仰取容  
歟欲自殺幼安妻桃氏救得不死明季辛未大  
曠夏忽令三汰司集會極門傳手札釋公出雨  
乃沲夫人大哭幾鬮冬夫人從入潼關覽算食  
器無嘍喏笑謂公曰今日艸具不愈于請室耶  
公摘玄塵補禮樂二書夫人昔昔莊侍周旋不  
聳悒憶聲韓城薛給事呂幣來公辭之問之曰  
斯固嘗爲魏璫佐鬪蝎我者茲陽修好夫人曰  
夫夫也善擲榆人安可犯其爪距受其毒令彼  
快意于一勝哉不如受其一且爲報可乎甲戌  
從公歸歸八日幼安成進士夫人色喜安迎養  
威縣戒用苛刑昔清河兵變燔威安下獄韓城  
呂賄入政府工蠱惑修怨而陰噬之旣不百不  
止夫人慟甚遂不良行公孫弁之諗其父至臨  
清韓城益狠詢汚虢爲袁公愷彈曰此輩翼虎  
社鼠誤國大計賂價騰起縷指其不法狀事叵  
測乃遲行呂俟之會韓城死中外快之安獄乃  
白釋琅璫出夫人南之家喜曰爾父子執道不



能事權貴不得罪朝廷往往齟于墨吏濱於殆  
直道安可爲耶尋用公爲兵部尚書詔及于門  
夫人曰作宦夔其躬我至今心猶慄朕奈何脂  
轄爲肯宜與日攝公頃易之次輔并研亦啣發  
金事訛訛譜公陽示之誤移兵部左侍郎絀公  
右焉陰用挑釁賴曲沃吳橋二公方不害曩日  
夫人策擲揄事果不忒亡何幼安歿甲申三月  
闖哨賊入夫人行三日不食至新城食抵家公  
會合諸紳衿擒僞縣官僞將軍王繼道攻城噉  
之擊走僞權將軍郭升夫人勸曰闖賊恨君入  
骨行矣巡撫蘇松甫至遂視師于浙夫人偕行  
渡江值紹興兵騷動昏蕩天日遭鹵略孫翁之  
扶夫人出水門翁之被劫逃回夫人赴禹陵遷  
餘姚餽澳船登大艦五月大兵至翁之召計脫  
從羸艘跳身昇夫人上斥杭錢塘而北家無孑  
孓矣丁亥輿夫人入北畿驚眊跋涉吐血不止  
乃終季七十歲子幼安甲戌進士孫某某孫女  
若干嗚呼蓬玄公斤循道宜所遇之亨也而



獨於權力者齟何也天子曰慎修予曰賢耦令  
子不予曰大用豈妖蠱者亦能勝天歟公語予  
曰失吾良爻譬之考室公誠楛之柱之夫人櫜  
之闌之哉而榮粵曰臻厥成不憂于內顧質公  
砥心可曰謝天下其持禮也信矣夫至於間關  
險艱頓躋江滙始終脊則况瘁曷歿相蓬玄公  
曰禮而卒曰禮得正也尋嘗婦人彼鑿者流能  
乎否耶佗米穀勦喪睦族不載載其大如此足  
曰華張氏之隧矣某季月日窆于堂邑某鄉之  
原

銘曰室壺之禮誰紉之一葵千殿誰劬之相彼  
脊幃下襲為突上舒為目

明刑部右侍郎交河肖形孟公墓誌銘

余之心交若交河肖形孟公蓋二十二季云公  
伉爽不輕許可行其孤持談肯事多壅蔽輒泣  
下予知公才略貞亮可當大事而今不可作豈  
非天之不欲授公歟并研菊潭胡公為公門下  
士來愀然曰孟先生不究其施阨塞曰歿恨無



能贖先生者作狀求志余安忍辭乎公系出鄒孟夫子諱兆祥字允吉肖形號上世自澤州徙交河據狀鸞生會生鉞貿遷交河泊頭鎮寢帝曰將昌汝後于東瀛間遂居焉鉞子三尚質其季也卽公父讓產公生試翹狀挺拔弱冠登丁酉賢書丁父憂暨終母高氏殷氏二安人制天啓壬戌成進士公次當授大行黠者給公遂攘之公授黠者廷評矣公無怫色丁卯典蜀試按彥爲多岿璫燄方熾公居京守繩墨不投一刺訐訟蝟起工羅織公慎晰郵罰期于事而無設自替呂長乳也公之子綱宐君諱章明是歲登北闈榜公侃侃日起會擢銓部銓政之蠱也賄之陰澗于根株不可救言官亦無能挫鍔呂窒其隙公四歷署員外廢更怠張無畔事方署考功省臺胥所請謁公謝絕之皆恚未幾其事債削省臺職一如公言恚者始歎服黃道周呂懃果抗疏廷杖刑尚書李覺斯受私人指恫喝令公覆疏重錮之公气甚壯無之胥翫不惟不枳



焉且昭其黷槩及佗無辜誅者皆狀覺斯意不自得至于一切賂鼎不設呂見公繇是公勁直日呂重而嫉公日呂廣先是辛未分較二戴轉勲郎請假歸築河上亭圃戊寅起功郎昔呂羅遣者屬公具覆片言釁旤吏持牘進公憤曰事卽多掣孟某豈可呂威傍睨呂利啗者乎吾持吾介心焉耳不設負名器私黜陟無呂謝天下凡奏牘八百餘一無阿保全皆善類所擊皆弗良也側目者陰蝮公尋降行人司副公色益無怫會冊封汾藩不受餽歷允祿伉倨諸中賢革鼠竊不取其羸遷回卿勤馬政轉通政司慎封駁癸未陞刑部右侍郎弓刑慎晰加虔綱宜亦成進士諸君咸來賀公作色曰家事小國事巨各郡虛懦之形酷痛實甚大臣不呂匡弼召對惟日道諛中原大寇視北都爲口內嚮且憂之不暇何呂逆天之休而愉耶對客咄咄不已命僕載一柩之棺來都甲申春李寇介馬薄京都矢集于墻礮彰義門是皆碎碎輶輻左右輔政



者心憤悵悵不知所出朝廷素委信宦官呂九  
門鑲鑰付大璫呂戎事責之紈袴李戚畹權在  
外戚與璫人心洶洶莫肯生氣守陴者饑李擁  
數萬饗又恪不呂頒又從陴上繫賊之謀中貴  
某也守陴者稍散公公方守正陽門潰不可支  
鼓音不起乃盥不食僕曰盍歸寓乎公叱之公  
曰社稷不臘天地昏崩家亦何問吾知死而已  
仰天涕泣冠帶北拜曰臣力止此矣諸大臣不  
肯陳力呂捍難大璫之賣國至此耶三月十九  
日遂自經歿年七十有二子章明吏部觀政同  
日殉難公之于大事如此夫人元配袁氏繼呂  
氏又繼何氏章明呂出元配王氏繼王氏亦同  
日殉難呂從子炎明子培滋嗣越四載丁亥冬  
十月十八日合葬于泊頭鎮北四里祖塋嗚呼  
真貞亮異人哉公予同門爰始呂為恪身遜物  
善敦多力吏治材耳及其執持銓地貪墨者心  
悸扶善鋤慝不少苟馬政攻駒俱不呂私始見  
其不可測其足呂試公批卻者猶淺也當數十



曷鐵騎霆摧電震於埤坵之下若不為政府外  
戚宦官所肘撤太壅蔽舉大權付公與二三協  
心者保京師一塊土不易耶棟不用用藜奚堪  
大材不見知賂彰腥聞之世其奈數十曷鐵騎  
何哉凜冽已歿公之淵狀可匡一世卽此大節  
孤特獨懸豈足已窺公而盡之歟雖狀亦可為  
天下後世風矣公好學詩文尚明雅戒殺生喜  
濟人著書存者若干贈謚俟之翼日  
銘曰上帝曰咨惟公乃蹇克蹈無縮老成期顯

令名何斲巖巖光輝天地不毀墓查岡翦式斯  
敬恭苾馨史典

范孺人墓誌銘

登封太僕少卿寢禎傳公元配曰范孺人 皇  
帝馭寓四季丁亥七月某日卒京師太僕請  
命歸謀封樹持狀請曰辱為志予曰范孺人為  
婦也祥稔知端宅準繩大埤政若夫刺泉庀饘  
豈其至焉者乎乃志孺人父乾州學正善繼家  
潁陽母孫氏戚於太僕母學正與公父荊州別



駕公靡靡也遂納筐肯孺人不及事姑將荊州  
公劬不辭無吝休息荊州公奠公立日篇迨荆  
州公沒與丘嫂十五季楛柱于內吝呂斯盡是  
昔公譽諸生間吝欲跽籍者釁之孺人譙且力  
無澹辭曰吾雖供刀刀若耦于而田無獲何呂  
日耶且丈夫不爲國勸其庸吝立呂亢乃宗  
公益感憤丙子丁丑第爲潞州推官移弓水舊  
讞多天惑呂其種伏吝豪夜披牘遇隄狹而歎  
孺人曰得非虞兩害乎刑析聰勿務能聲博陟  
呂操切百姓罔滋亂獄矣辛巳內召陟御史  
視保定師統軍者不得人大氏軍多靡旗易噪  
無慮戶下白爭洶洶矣孺人贊公曰地爬梳焉  
勿辜取大者勞勿遺小者俾我師壯足制鼃聲  
亦惟聰之呂凡事律始衷終海內何患不治哉  
公咄嗟辨遂吝西河之役兵阻未及往甲申之  
夏北方定鼎公入朝巡順天孺人復進曰果矣  
丈夫激卬如是庶不翫職燕趙受寇毒不減晉  
百姓喘息何呂活不卽于墊無論婦則亦維臯



荆州公實式霽也又何可忘譙且力嘗耶公曰  
汝言是是乃昏日也詎女紅尺寸絲泉錢刀  
為耶孺人不輕言笑待俚室睦節儉安公于廉  
嘗嘗嚴重公公亦儉昏禮孺人為婦也襄宗而  
亢不既祥矣哉噎夫穉矣不長季濟其香飶豈  
非天不盡讐歟孺人寢疾季四十八終順治戊  
子某月某日窆某原子又弼廩生娶郭繼女女  
適廩生何升龍

銘曰乃降之壺也劬日雍也葵一殿百政無缺  
也之易之穰永淑之勰也

擬山園選集卷之六十四 終



擬山園選集卷之六十五目錄

墓誌銘二

宜人楊氏墓誌銘

乾州知州靳公合葬墓誌銘

復宇宋公墓誌銘

歲貢王公墓誌銘

少溪樊公遷葬墓誌銘

山西右叅政夏衢董公合葬墓誌銘

珍吾王公合葬墓誌銘



丁君兩台墓誌銘

瀟山張公墓誌銘

維寰劉君謝孺人墓誌銘

處士卓珂月墓誌銘

涵吾浦公墓誌銘

丕弟鈍菴墓誌銘

擬山園選集卷之六十五目錄

終

擬山園選集卷之六十五

孟津王 鐸覺斯甫著

墓誌銘

二

宜人楊氏墓誌銘

孟津王鐸曰人處墊阨窮通異致難哉難哉儒者鮮有特識矧閭婦歟當今之昔雒陽封宓人楊氏能助武昌公亨約一槩當窘窶滯抑而無少昧且愛及嗣子呂克有家鄉閭籍籍賢母傷哉其可無銘耶於其葬序其銘序曰楊君正學



河南府諸生宜人父也宜人爲武昌府知府侯某公妻雒陽生憲祖之承嗣母也公與宜人食貧也或併日而盤飧公豪曠卓犖不少畱意族胥饒貲者館之公意曰爲嗷嗷者何足狃爲膏哉乃墊處不暱其志恒大放於酒醉歸饒者色艷宐人覺之俟公醒解泣曰吾姑耄矣妾勤奉爨曰事朝夕欲君勸曰究其極何乃略之若是公愕狀曰子之敏謀至此耶於是讀書員莊曰歿圖而生之氣秋遂售當斯昔公季弱冠矣自是之後仕安肅擢武昌宜人若體焉左右曰相公之不苟淑人之弼也迨憲祖嗣之宐人愛離裏亦數數不廢糾率云崇禎五年三月十二日終季七十一公先宜人若干季沒合葬于雒北原嗚呼丈夫之行易著而閨闈泯焉國人之無旌也奚曰不違道乎若淑人者自君子觀之當熙洽之昔丈夫爲國之華而士女能卓爾炯見罇已肇物淬曰胥成正乎外內豈非國家太芻景爲乎不朕士之豪邁淪弃其材里巷婦子



多礪谿之風其何已觀焉是豈已感而論其世也孫某某聘某

銘曰豐也孰爲之砥也孰樹之爲女之栢永譽勿悲

乾州知州靳公合葬墓誌銘

君諱學古字已信盧氏人始祖彥忠生儀儀生  
興興生祥山東按察司司獄祥生倫生仲賢歲  
貢山西忻州同知奉訓大夫四子四卽君娶宜  
人耿氏文恪公孫女君已麟經魁丁酉爲弓原

知縣降陝西按察司知事代庖鎮安西遷吳堡  
知縣復攝葭州擢守乾州又攝醴泉尋降福建  
藩司都事又攝古田君不張大不肯貶已匿迎  
于人當事屢薦君而君往往不一謝其治弓原  
也歲饑人相食君糴粟舁斛給餐已喜其民吳  
堡東脣黃河西則河西驛君已吳堡敝賦供驛  
傳已宐雒二邑助邊是皆流寇數舁已股掌玩  
吳堡君振之旅百夫決拾關籥藩籬已閑之禽  
其雄長見君城邑如手拇毛脈也寇避滋速鉅



盜麻四窟盤葭州置君芟之如爬蟣虱唐奉天  
今所謂乾州外接甘固豐鎬鞏內地疲善訟公  
為民寬釋粵之古田齒錯崑山中俗甚悍胥應  
大辟者陰以篋金數百入君揭而仍之泐往來  
燕趙齊魯秦晉吳越閩楚屢蹶而意自蕭然天  
性惇篤不喜浮言與人不較貴賤油膩不為詭  
異事外若粥粥遇難為事歿生不避非其氣胥  
專一過人者耶今流寇蜂午屠城略地胥君輩  
數人豈至此乎君壽六十有七終于崇禎五年

六月初二日宓人耿氏于崇禎元年十一月十  
七日終壽六十有一男一謙吉戊午舉人娶順  
天府丞劉蔚女孫男一柱明尚幼女三曰某季  
月日合葬

銘曰鐘舒而遠非臬氏之量弓陽聲而受霜露  
非鮑人之泐藏惟不詭遇可封可樹

復宇宋公墓誌銘

公宋氏諱沾號復宇商丘人辛卯舉人季五十  
官山東福山知縣名垂數十季商丘人祀于鄉



福山人談之猶歛歛不已爲之出涕何繇而得  
斯于人也則公胥過于人者後公之子權舉辛  
酉乙丑進士爲陽曲知縣又數季爲吏科給事  
中日與遊益知公公某孫某子吏部尚書文敏  
公纁之侄私居不苟訾笑不呂尺牘干胥司產  
讓弟仕乃益貧爲政于福不喜刑名刻急之術  
嘗自稱曰三尺法第無所骫耳爲民父母使民  
畏罪日衆呂嚴酷聞不過慘激任威罔利日束  
溼薪呂操下吾志不狀表地之淳鹵量入修職  
焉不用澁文而賦自足先是榷礦之使徵山東  
歲鉅萬姦回不軌民羸矣公哺之見嫗提一孺  
子狀甚窘乃苦榷稅者公代給其逋曰使者肆  
虐于敝邑不請減實痼于志請而稅于是乎始  
從減僞官數騎持僞符渙諸邑諸邑騷狀煩費  
公廉其僞也執之呂告於諸侯至于舞文巧詆  
之吏財察案之痛繩其臯又非愛人而徇于姑  
息者狀狀大志未竟遂呂勞終是嘗給事中方  
八歲一邑旄倪數萬人哭而送之數百里之外



嗚呼公止矣公之自礪當孝廉肯還入幼女拯  
指揮于獄其志欲大胥所為而止尹于山東福  
山縣乎此胥志者之所為追惜感慨而不禁其  
思也今之尹求如復宇公寥寥焉不知福山民  
何私于公而不怨汝詈汝乎朕商丘福山一侶  
夫胥私于公也君子曰身得廟食子為名諫公  
又不止于福山矣公生某季月日終某季月日  
配某某給事公之母也亦呂節著孫某孫女  
若干

銘曰社是饗矣與宙偕老家克昌阜矣鴻厥定  
保無朕小譽維柏墳之胥重于是表

歲貢王公墓誌銘

公諱元功字顯宗號毫埜先世長子人始祖宣  
公季十九入類三十九廩七十五貢七十九終  
為人材軍籍移偃六世哲哲子豸豹豹公父也  
公好讀書多學強記文胥聲不怡堙于心耳至  
于音律繪事堪輿數學亦復攻之為人慷慨不  
喜事權貴權貴招亦不肯見其行不愆見人不



善或未急于禮也亦不甚容聳困阨者卽爲分  
給故從游門下皆一肯材公母張氏失明公事  
之置力焉勤不遷也伯兄呂樂悃憂伯父欲鳩  
其伯兄呂產畀公公不愛其生殖呂疾止之謝  
不敏後當大疫艱難其身呂經紀伯兄櫬又割  
地大庇其孤子女後數季公薦于歲矣廷試予  
復拜于燕飲于道院地震公猶視我又數季公  
病而歿嗚呼士弓居負才氣詡詡狀擅作而姦  
底于骯悖階之爲得意自薄骨肉呂雕于人卽

貴而文者且狀較公何如哉若公蚤貴得呂直  
方之氣砥讒祉民展于王家其矢于事不卽于  
苟也審矣公生嘉靖三十季十二月初二日終  
于崇禎二季四月二十九日配席氏貳賈氏子  
六駿騏庠生席氏出騮馳駿駒賈氏出女四孫  
三樞柄騮出機馳出孫女八呂某季月日窆于  
偃師某原

銘曰嗟夫王公壽斯弗顯何遇之淺何惠之遠  
其脊堅而馨守之其脊膠而菴階之王公其昭



而涯于斯嗟夫疇爲之限之

誥贈榮祿大夫少溪樊公遷葬墓誌銘

乙亥某月日庚宇公走予竝請曰某不孝無呂  
紹先志席華厚日夜是懼先是四明蛟門沈公  
業已誌而納諸幽今遷祔設借手君銘庶幾光  
于隧石于是不能辭按金吾樊公諱某字少溪  
上世自某徙燕顯皇帝昔公在金吾敷歷輦轂  
間覲伏擊慝多捍衛功呂壽終暨夫人党氏卜  
葬西直門外西榴邨子若孫繩繩繼繼罔散失

墜其家益蕃大焉無何公之孫曰佳璧啗于游  
言急一旦呂邀利蔽其昆季遷瘞房山縣慈家  
塲旣遷遂于其家不利始知爲實虹也而公次  
孫弘寢寢貴顯矣形家曰榴佳城哉氣鬱鬱頰  
爍必揚如之何動搖安土中于嗟者乃異祐于  
他人之齒頰此何謂善求耶今弘貴矣則是賴  
祖宗之蔭克自謹砥呂受茲顯融豈易覲是蹶  
起也者君其仍于葑域胥培其本根斯津其條  
枚豈偶朕乎于是君聳于朝謀遷于舊塋天子



曰俞汝弘其返葬夙所卜京鹵門外寧茲壤土  
弘再拜稽首受當是昔庚宇君業授都督少溪  
公歿已若干季天子方丕振九鼎之烈凡總襄  
不惰者皆延賞焉少溪公始得贈榮祿大夫都  
督命大司空給之經費煌煌狀國體隆膺矣嗚  
呼人之有厚積者動不與亨邁而與既會是造  
物之不勤善耶故佳璧徼利而蹇附言如鑿聽  
言則憤庚宇公卒惠獲眷命仍卽其所雖日有  
命庚宇公之善圖能續舊烈妥祖之魄曰昌厥

霸使不佞庸鬼豈非有識者耶世系詳載誌中  
遷葬則崇禎某季月日也

銘曰有挺其特篤蹈善植愷桌並臻世林其質  
躔洄瀦礪纓紱有揚誰者基之鮮可暨量金否  
任勞軒昂作衛伐蠹驅賢事資愉泰報曰戚爵  
顯允惟都不僭不絀曰禮是圖眎土云吉松柏  
翼翥霸其來聚顏色熹離天讖于此地告其祐  
為臣設窳卦食謙有邦方榮懷蠱飛遄戡霆轟  
日暘永襄羽干



山西右叅政夏衢董公合葬墓誌銘

君諱九貢字君需其先尉氏人自始祖徙禹興  
生士能士能生英正統三年禹人饑英輸粟一  
千五十石英宗褒焉英生振振生玫玫生效錫  
效錫生惟漢卽公父也生子四公惟季登巳卯  
賢書乙未進士選戶部雲南司主事巳亥陞本  
部貴州司員外辛丑陞本司郎中甲辰丁內艱  
服闋仍其官庚戌陞山西叅政兼僉事壬子冬  
巳足疾歸及崇禎二年四月初七日終春秋七  
十有二三季庚午六月廿五日合葬于廓北黃  
龍泉三新阡公性謹朴貳缶佶佶也無弁轎之  
爲雖直勁亦不激刻自用事期濟于物卽俸糈  
分卹不巳肴吝初摛文捷偈爲孝廉游南雍江  
南名流爭相交宜人委事孀母巳故公得沈辭  
釋褐領部事新大海連二倉也往季猾者相效  
截竹節引廩糧沒也巳數百斛公立袖牌鈴之  
疏滯徵負蓄羨粟逾數千不染鼎焉大司農趙  
公巳最奏迨清源之役公爲分解分納汰而攬



納無所便矣甲乙那補窟穴姦命屢胥波及乃  
索礪幾中人產非力亢其詭能令之心降從乎  
復個革扣省耻呂房水小麥等下勸輿隸升斗  
之潤樹字石于門棖神宗嘗璫總稅使則清源  
之薄也公不隨其肆閱數季呂正郎司門于崇  
文商賈稅孔稅額八萬為常請託凶焰不可邇  
矣於是見堂上官呂才之不腆辭弗許及期報  
羨金百而參藩于晉也公益宣力于治兵國家  
數患邊青羊部種師曲而害公簡卒肅壁軍三

千一百餘留半控邊呂区百春秋充雁弓岢嵐  
寧武役邊不敢犯遇疑獄多所矚睒禁宗室之  
跣跣者不稍避一岢方推重公而呂足疾請太  
畧無耽逐之意儻昔人所謂制義庶孚呂行之  
者乎其旋而老于書朋酒喞詠其撰也饒為鄉  
人施義是呂蒞官人無訖處權豎無小子之係  
沒而人目之久猶孳如也則其不惶于井冽又  
足多矣公父贈如其官母為太室人先娶王室  
人繼楊宜人庶室李氏共公無遂若干姑姻公



潔之勤也丈夫子丕學稷王宜人出學契李氏  
出學益天啓辛酉第一名壬戌進士觀政卒于  
燕子同季楊宜人出學夔李氏出學陶楊宜人  
出女三人

銘曰胡為乎可曰三壽而不單胡為乎可曰儋  
重而猶磬澤肴瀾瀾無寵政斷龍也子光未填  
雲也膚寸奄垠瓊琢其躬噬天大昇後而胡為  
乎寤辟于封營

光祿寺少卿珍吾王公合葬墓誌銘

猗氏珍吾公名國瑚字夏器曰壬辰進士索官  
至光祿寺少卿海內無不知猗氏王公嗜學不  
貪于仕進其于行也必力又不為巧避當乙丑  
丙寅間逆璫方煽公無所藉罹其擯斥閉門著  
書如初蓋書之嗜于仕進者寡矣至于厝行又  
未易多見狀則公可知已公父明憲里稱東池  
公祖守高祖肴公東池公次子癸酉舉鄉歷二  
十一季登第授行人不媿于肯為雒川柏鄉尹  
大理評事自疏請養薦公者曰公屢肴聲不宜



置丘壑詔主事版輶條艸之餘又畧米之餘四  
畧而延安忽告棘敵勢洶洶人不肯往公呂版  
輶郎中守之延城無井太城數里堰水輸之堰  
已壞黃台吉諸酋欲逞狡心胥不利焉公鳩民  
鑿井敵呂楯甲十畧至圍七晝夜懦將色變公  
劑粟澤刃火攻具舉民免于渴而師氣用倍浹  
旬後敵稍懈公忽出城襲之斬十八人火礮擊  
歿百餘敵乃氣墨而退延人曰無王公斯無斯  
土矣無斯土斯無延塞救寧矣始陟兵憲尋少  
卿光祿惟其無藉于權璫乃擠之歸後數季璫  
璫復公秩公卷帙緡閱漠如也夫仕之躋者思  
進憤其缺折營營崇撫不顧于坦一何進而  
不進徒曰土地兵民資之仇讐則無術處此厝  
于行勇恹亦可槩見薛文清而後書胥實用海  
內傳著公四書垂世篇易垂世篇無窮如珍吾  
先生者吾安得見之乎公季八十胥一配巷人  
趙氏張氏甲戌八月某日合葬邑西翟村里公



子四春楨丁未進士官行人巖楨庚午舉人濟楨周楨生員孫丕含光春楨子辛未進士初仕行人曾孫若干

銘曰人莫不歿昌其書昌其後匪熄之乎玄廬  
丁君兩台墓誌銘

魁德永城丁君諱懋業號兩台某曾孫某孫贈僉都諱良翰之季子總督薊鎮兵部侍郎魁楚之叔贈君子丕魁雒魁選署丞魁河予同辛酉舉魁彥魁俊雒子啓睿已未進士寧夏河西道

副使孫九孫女七子呂季誼過真定蘇鎮少司馬方為中丞言贈中丞公與祖母王宜人俱逝外侮者危其家呂速臯數呂訟侵君不避險阻中丞與孝廉魁南始能立于諸生間同弟侄爨者二十季戎乃不興兩台君之衛也予于都下孝廉魁河言君善稼凡畀兩弟必呂腆而已則薄取生齒婚嫁之費日多卽筭路藍縷不顧卒無私藏兩台君之遜也及中丞公為少司馬晤于署言君後不困而好施親友之窶者老歿不



殯君賙之又掩白骨而埋之恤而相睦忘其菑  
癘兩台君之欲也予思一過宋墟見君而親其  
警欬庶幾胥呂教我乃于崇禎八年正月二十  
一日季八十三逝矣君方入城一日流寇至城  
閉寇無所戕豈非穀乎使來京師言四月十五  
日竈若兩台君不可弔也乎予孑生聳其人好  
書不門產則慕及聳其終而傷且繼之亦胥感  
于世之處骨肉鄉黨之間也

銘曰展也先生遇蹇志亨其輶不改彊禦輟攻  
樹家陷道甘瘖讓豐澤漏貧鬼慳破高融闕勸  
稠茂牀笏彌崇胡考孫熾百世攸寧維皇好直  
厥錫令終

巡撫延綏都察院右僉都御史灑山張公  
墓誌銘

昔于都門見灑山張公持身整不好媵阿貞而  
不怠予心敬之大司馬蓬玄公同母兄也呂狀  
來請誌銘始知為中丞烈歿矣異哉按公始祖  
某數傳至某某某為公曾祖贈某官祖贈某



官父孝義公世山東堂邑人中季不舉子娶於  
趙舉丈夫子二長卽兵部尚書諱鳳翔次卽公  
諱鳳翼字羽明號瀟山少疑狀自立好班氏漢  
書無華衣文馬恂恂強志胥待辛酉舉鄉乙丑  
成進士皆司馬脩魏璫璫齟齬欲甘心司馬公  
韓城阿璫意撫苒撫真定用二弁事噬之艱甚  
司馬攜公東歸邑人相驚謂緹騎旦夕至公匝  
柱不寐已而得削奪公大哭曰天也為人臣伉  
勁不能自保乎今始胥兄矣公次叙宜北樞轡  
避璫南焉無幾何璫戮改公北兵部尚書起貳  
銓政尋某巧宦也遠來觴而祖于河公厭之曰  
安胥負名一皆竟齟齬好調乎某心甚公陽為  
恭及公為兵部車駕司主事卽一郵符不召假  
人轉武庫司郎中內官監柴薪封識畀呂原鞞  
中賢嚴憚之無何出為大梁道袁芝蘭梁之大  
猾毛鷲陰喝為非法顛越無序公捕案驗罪臧  
乃條其姦狀寘之歿汴人喜皆免冠謝頃之遷  
寶慶道御史龔守忠殺布政彭克濟子郡人麋



駭洶洶器爭鐘鼓訇鳴哭聲震動公曰是何吠也為要束之立械斥狴呂斃李自芳呂厥衛爪牙工鍛鍊謗詈鉤距螫人橫金歸里揚詡目無諸大吏公大杖百枷鎖于市其強毅鋤兇呂保艾民大略若此給諫陳公贊化糾荆谿援公為證荆谿銜之恨刺骨請于上提公赴京面質將逞志于公肯奔迎祖河者適居要市權改公霸州遣未之霸遂借事調公尋遷寧夏遣郡王宗支隊帥偏裨皆奉約束逡巡不敢弄泐輕重會

為延綏巡撫流寇已蠶午入秦矣或調之曰秦不能下寇孤往玩也可狃焉入關耶公曰受命不宿豈顧利害晉鼠歟躬之不整毋乃自卽于替八日啓塗至柳樹澗遇寇周麾一呼鹵略輒不能行公鞭馬及新城堡獲寇所鳩數百人立誅呂驚其師頃之賊衆突至執公令公絀公抗言曰天不忒其疾汝狗偷尚延餘息吾不屈汝雖尸而沈之汪于臣職何所瘼蠡哉詈不已公遂害嗚呼錚錚若是公之砥礪也貞不怠溫而



直足呂耀矣痛哉公季六十有五日某年月日  
窆于梁水原予又聳諸司馬公與人交砢砢貧  
戚恤其家不為械欺不修睚眦不妄交賣及貴  
人善熏轅人者公稱都門病不一見室中獨碁  
局漢書而已鷄鳴起香燠默坐誦六經尤耆易  
取良義號止石居士蓋整于身特其骨鯁潔介  
公獨不絀于寇云耶不克究于遠大可悲也夫  
娶王女封淑人子二宸寔諸生孫某諸生  
銘曰胥美君子不隕不獲其人如石于物無蠹

每臨大事出匣于鏌握固允兮固改厥護灑氣  
無餒允華磅礪迨罹寇既強操終噩人疇無歿  
公歿赫灼神鬼讐欽匪經溝壑公石則玉佗人  
砢砢星胥皆墜水胥皆涸後世視公參彼喬嶽

贈徵仕郎維寰劉君謝孺人墓誌銘

劉君名期憲字君度號維寰予及劉伯重之父  
知其修內行者也從麻城徙富順三傳至元之  
公名本中天順丁丑進士貴州憲副髮未白隱  
三十餘季當道僣來公園中孀艸公生軾軾生



孟珍子孟珍生緯生懋先育行楸先生維寰兄弟  
五君行三季十四郭公青螺拔入泮讓產弟期  
宁鄉大豪毛摯諄君曰君能忍復來詆無  
可奈何賴邑令徐君騰芳廉其被渫惡也曰奈  
何令噪者虐人乎紆其難君之劔閣兄登仕版  
君曰春秋授弟子兄所未嘗移趾焉奢寇變燔  
君著古文辭曰徒湫歲耳婁之不爲鬼忌可也  
司馬談班叔皮著書未究貽之子育基斯庸是  
在孺子哉甲子伯重土公車君與俱爰人勸曰

君勿事咕嗶君歸猶兩入蜀圍過巫峽一夜大  
風雨谷竅呀鳴天犇山飛舟人皆哭君曰此龍  
孽也儂舞其伎曰震蕩爲狂猶耳龍何與人事  
我何覲焉鄰舟人夢神曰得免爾輩厄乃曰長  
鬚君故也否必覆不爲爾利矣君美髯故云伯  
重廣文登封君爲諸士晰經義耀其疑又歸蜀  
與爰修鄉社歡買妾旣過闕叩之知育夫待季  
未配君卽還之奩金弗取辛未伯重成進士君  
思父泣曰祖恨不得覲孫之振也亦惟是舊行



之無大咎乎豈值歲試君又自束硯往其修行  
不怠至于老猶如此已冒寒疾終生某季月日  
卒某季月日妻王氏生一女繼謝氏俱勩闡政  
無缺謝生一女三男長鼎卽伯會卒于行人贈  
君徵仕郎行人司行人次鼐庠生次鼐孫男八  
人某季月日合葬富順某地

銘曰韜光緇沉不瑕其身已穀子孫

處士卓珂月墓誌銘

余至秣陵始與卓左車游狎知珂月才稱處士

云處士十又挾策輒胥志古文辭不屑屑佔畢  
間則曰丈夫操數寸不律必不能游大人成名  
無論得志不得志當效魯仲連急難攘夷冒危  
拯人使天下慕義無窮所貴乎舌不改氣所已  
理處間井不齷齪與俗人伍焚香一室讀書不  
休里中多易之曰夫人也近於傲矣處士聞之  
笑試數軼其曹乙亥選貢丙子如京師諸少季  
鼓瑟跼屣踰鞠六博處士踏狀柱狀弗喜也及  
觀宮闕旁察燕薊邊塞之形慨狀胥封狼居胥



意及躋鄉闈鬱鬱不自樂尋病無何歿惜哉處士杭州仁和人始祖敬歿靖難而某而某而某日祖也而發之字左車曰父也妻某氏子大丙生某季月日終某季月日季三十一葬之于某原誌曰余覽處士詩文歎世之磊砢橋大慧齊勁邁于俗何多未弘報也呂之耽古而無流心則違今多不少可宜人謂自傲酬恩救厄弗蠲衆之所爲而囂囂自譏也宜人謂自傲數冠軍多士無他嗜惟周秦漢之方冊是飫宜人謂自傲及其觀光上國勃焉于用賓欲爲邊圖民生除不祥而靖之未遊矢音此其器量知渙忍于富貴而羞辱于勢利必不狀矣夫胥志于邊圖民生囂囂也而謂之自傲乎卽謂之自傲也庸何傷今處士蒞淵集若干卷非凡聲人之遇不不遇豈非命哉人貌榮名今而知杭多異寶矣銘曰

玉也未登特逢自知孰爲之植之而孰爲之蹶之吁



涵吾浦公墓誌銘

浦公諱允胤別號涵吾曾祖某祖某世爲太倉州人八歲讀書茜涇西壯從開之馮公游於文橫豎鉤貫奇於數四十不售公歎曰士屈嘗受書不能取一第此何異駒之服轅齒卽壯何爲乎寢神曰汝祿五品耳汝不應第乃入貲謁部未除居頃之復之部嘗與諸名士觥飲稱詩意頗自得尋棄去好兵家言習天下要害今將盡乃除南兗祿某官遷詹事主簿遷湘東判加銜移蒞桂陽湘楚之南鄙也夷民雜獠多盜講于刺劔之術無賴少季往往依爲姦利公至不日株連束縛無罪得其雄長如乳虎汰焉雖不喜鷹擊毛摯自此羣大豪不設入境居頃之攝篆衡山備戍器嚴隘所請于中丞臺呂輕糜爛之獄藩祿之在湘未佃者數畷畝邑令逡巡惟其股削公毅狀曰我爲衡長衡山殲賦重歛于公尚不足而束吾貧民于溼薪刀筆吏復用淡文民何呂庇而生乎無贏加額吾弗爲之矣竟不



報東崗源出金州人私穴之包藏旣心斷傷叅  
將大吏檄公往詢詢言賊且萬人至山下公命  
王叅將與某守要害身率騎射當其衝賊窘甚  
公廉其迫急募民之通盜者下令解之賊若崩  
角潛從廣東蹊路鳥獸遁去最書數上居頃之  
夢神曰汝今季不嘗新矣日月胥嘗汝奮績服  
采生弓好兵家而兵事不戕五品祿數止此耳  
公因乞休舊隙不報畢婚嫁乃不起父某母贈  
恭人周氏子七嶂嶠嶮嶮嶮嶮嶮嶮嶮嶮嶮嶮  
季五十八終于某季月日葬某地噫涵吾公其  
于用世信胥心哉近試之瞻族調急遠試之弭  
盜偃兵所至不腆焉曰為利胥心于世而卒無  
心于世不宏厥施豈非命實為之乎銘曰  
詩書匪竟而氣嶽嶽哉而宗訐訐是曰胥令聞  
誠

五弟鈍菴墓誌銘

王氏舜之後自洪洞徙孟津雙槐鎮成義士數  
傳至鼎耆士至幾乾諸生封南戶部郎中至作



諸生至余父諱本仁封禮部右侍郎又封太子  
太保文淵閣大學士母陳氏封太淑人又封一  
品太夫人生余兄弟五人長鐸次鏞鏞鏞鏞余  
長也而五弟則名鐸者妻陳氏生一女弟字鈍  
庵十九歲爲廩生不第已某季月季二十五終  
弟讀書鉤貫詩文喜奇峭已意氣自豪善擊劍  
騎射每用二丈矛角技者屈焉母或怒督之弟  
立侍胥笑容卽扶之未嘗怒跪不走埃母霽始  
太事諸兄遜順不爭視利猶糝糠也爲人無牆  
宇而羞爲狠行余已使事偕弟登太行下眡上  
黨澤潞丹水黃河走其下與弟賦詩飲酒起舞  
歡呼悲歌弟何其壯也乃功業未樹著書未成  
竟歿某季月日窆于雙槐東南南山下一里已  
三弟鏞子無忝嗣銘曰  
才榮遇窮在物逢凶未盡其胥天道忌耦啜哉  
吾弟而董于茲耶吾安得而知耶

擬山園選集卷之六十五 終



揚山園選集

卷之十五

十四

國



